



**KANTON SARAJEVO**  
Ministarstvo prometa i komunikacija  
Direkcija za puteve

**CANTON SARAJEVO**  
Ministry of traffic and communications  
Department for roads

Broj: 04-14-27/ EH  
Sarajevo, 07.08.2006 godine

**AGENCIJA ZA JAVNE NABAVKE BOSNE I HERCEGOVINE**  
Radićeva br. 8/V

**Predmet:** Mišljenje o ugovoranju dodatnih radova

Ministarstvo prometa i komunikacija – Direkcija za puteve Kantona Sarajevo u zadnje tri godine je realiziralo projekat „Rekonstrukcija saobraćajnice Baščaršija – Ilidža“. Realizacija projekta je vršena po pojedinim dionicama a obuhvatala je više ulica na području Kantona Sarajevo (Obala Kulina Bana, Mula Mustafe Bašeskije, Titova itd.). U 2005 godini je rekonstruisana dionica Otoka – Ilidža – Otoka. Dodjela ugovora je izvršena u skladu sa zakonom o javnim nabavkama putem otvorenog postupku. U toku realizacije ugovora ugovorni organ je potpisao aneks – ugovora za dodatne radove u ulici Rustempašina koja predstavlja jedan od dva spoj sa naseljem Ilidža. Radovi su ugovoreni sa firmom kojoj je dodjeljen glavni ugovor i vrijednost radova je iznosila oko 15% od glavnog ugovora. Radovi nisu bili uključeni u prvobitno razmatrani projekat i ugovor, ali je ugovorni organ procjenio da su neophodni za uspješnu realizaciju glavnog projekta, kao i uspješnu realizaciju projekata koji se namjeravaju realizirati u slijedećoj godini (početak projekta Ilidža - Sokolović Kolonija počinje od spoja sa ovom ulicom). Obzirom da su se rebalansom budžeta povećala sredstva za ovu poziciju stekli su se preduslovi za realizaciju ove dionice. Napominjemo da su prije rebalansa sredstva bila nedostatna i to je bio jedan od razloga zbog čega ova dionica nije ušla u glavni projekat.

Ured za reviziju institucija u FBiH u Nacrtu Izvještaj o izvršenoj reviziji finansijskih izvještaja Budžeta Kantona Sarajevo za 2005. godini je napisao primjedbu u kojoj stoji „Po zaključenom ugovoru sa „Sarajevoputevi“ zaključen je i anex ugovora na iznos 794.586,38 KM za rekonstrukciju saobraćajnice Rustempašina. Napominjemo da je u predmjeru i predračunu radova koji su bili predmet tendera iz osnovnog ugovora ova dionica nije uopšte predviđena i ne predstavlja dodatne i nepredviđene radove.“ U pismenom očitovanju i mišljenju naše institucije smo uputili primjedbe na Izvještaj u kojem smo naveli slijedeće: „Vezano za potpisivanje Aneksa ugovora na iznos od 794.586,38 KM u skladu sa članom 11. tačka (4) d) 1) Zakona o javnim nabavkama ugovorni organa je potpisao spomenuti ugovor. U zakonu se navodi:

„Slučajevi dodjele ugovora bez objavljivanja obavještenja o nabavci:

d) u slučaju ugovora o javnim nabavkama usluga i radova:

1) za dodatne usluge ili radove koji nisu uključeni u prvobitno razmatrani projekat ili u prvobitno zaključen ugovor ali koji usljed nepredviđenih okolnosti, postanu neophodni za izvršenje ili izvođenje u njima opisanih usluga, odnosno radova, i kada se takve dodatne usluge ili radovi tehnički ili ekonomski nemogu odvojiti od glavnog ugovora bez većih nepogodnosti za ugovorni organ. Međutim, takvi ugovori jedino se mogu zaključiti s

07 -08-

CANTON SARAJEVO  
THE EUROPEAN REGION  
OF THE YEAR 2006.

www.ks.gov.ba

Fax:387 (0)33 560-426, Tel. 560-402, Centrala 560-000 lok.402

71 000 Sarajevo, Hamida Dizdara broj 1

Identifikacioni broj: 4200792820003;

Transakcijski broj: 129-101-10006926-47;


dobavljačem kome je dodojellen glavni ugovor, a ukupna vrijednost ugovora dodjeljenih za dodatne usluge ili radove ne može preći 50% od vrijednosti glavnog ugovora.

Iz ovog proizilazi da je zakon ostavio mogućnost ugovaranja radova bez objavljivanja obavještenja koji nisu navedeni u predmjeru i predračunu tendera ako su ispoštovani gore navedeni uslovi (samo sa dobavljačem kome je dodjeljen glavni ugovor, nemože preći 50% i dr.),. U konačnom izvještaju naše primjedbe nisu prihvaćene i navedeno je da ih revizorski tim nemože prihvatiti jer smatra da ovdje nisu u pitanju dodatni radovi i nepredviđene okolnosti.

Molimo vas da nam date mišljenje i pojašnjenje da li smo ispravno postupili u navedenoj situaciji. Ugovorni organ često ima slične situaciji i ovakav stav revizije nam može predstavljati poteškoću u daljem radu. Slične situacije su kada što zbog nepredviđene situacije, inicijative općine i građana ili nedostatka sredstava u momentu raspisivanja javnog poziva (koja se povećaju rebalansom), ugovorni organ mora realizirati određene dionice koje u toku realizacije ugovora postanu neophodne za realizaciju glavnog projekta ili njihova realizacija postane moguća zbog obezbjeđivanja dodatnih sredstava rebalansom a koji nisu obuhvaćeni glavnim projektom. Napominjemo da su svi dodatni radovi o kojima govorimo usko povezani sa glavnim projektom (nemogu se tehnički i ekonomski odvojiti od glavnog ugovora) a nekada i njegov sastavni dio koji se ne navede u tenderskoj dokumentaciji zbog nedostatka sredstava. Također zbog ograničenosti trajanja građevinske sezone i vremena kada se vrši rebalans budžeta provođenje procedure tendera je vremenski neizvodivo tako da ugovornom organu jedino preostaje da se pokuša izboriti za dodatna sredstva koja će na ovaj način ugovoriti.

S poštovanjem,

**DIREKTOR**

Adem Zolj, dij.ing.saob.

**Dostaviti:**

- Naslovu  
a/a



[www.ks.gov.ba](http://www.ks.gov.ba)

Fax: 387 (0)33 562-059, Tel. 562-217, Centrala 562-000 lok.2130

71 000 Sarajevo, Reisa Džemaludina. Čauševića broj 1

Identifikacioni broj: 4200792820003;

Transakcijski broj: 129-101-10006926-47;